


Dienelkander



Nuusbrief van die Gereformeerde Kerk Potchefstroom-Oos

12 April 2020

**Woordverkondiging op Gereformeerde
Kerk Potchefstroom-Oos Facebookblad
Skakel in om 09:30**

Ds. Pieter van der Walt

**Tema: Paasfees: Fees van die nuwe
lewe!**

Skriflesing: Lukas 23:50 tot 24:12

Teks: Lukas 24:5(b). "Waarom soek julle die Lewende by die dooies?"

Vandag is 'n besondere datum op die kerklike kalender: Paassondag, die herdenking van die opstanding van Jesus uit die dood, 'n gebeurtenis wat die grootste wonder nog is!

Hoewel Jesus dit baie duidelik gemaak het, ook vir die dissipels en die vroue wat Hom gevolg het, dat Hy op die derde dag sou opstaan, het niemand dit geglo nie. Toe die vroue eerste by die graf kom en dit leeg vind, was daar twee manne (engele) wat vir hulle sê: "Waarom soek julle die Lewende by die dooies?" Waarom soek julle 'n dooie Jesus terwyl Hy lewe?

Wat 'n Paasfees was dit nie in Jerusalem nie! Die ware Paaslam, Jesus Christus, is "geslag" (gekruisig) en Hy het opgestaan uit die dood, presies soos Jesus dit geleer het.

Ons troos is dat ons deur Jesus se opstanding deel kry aan die nuwe lewe. God

het aan ons die nuwe lewe geskenk deur die opstanding van Jesus uit die dood (1 Pet 1:3). Daarom is Paasfees die fees van die nuwe lewe!

'n Geseënde Paasfees word u toegewens!

MEELEWING

- Carlien Kahl (Groep 35 - 072 879 8126) se pa Callie, kan nog steeds nie staan of loop nie en hulle ondervind 'n ernstige tekort aan medisyne en mediese-toerusting om hom te behandel.
- Die vriendin van Patrick en Caroline Sharpley (Groep 9 - 076 374 9480) se seun Raymond (in Engeland), het die Corona-virus opgedoen en word tuis onder moeilike omstandighede behandel.

**Ons bid dat die Here beterskap,
herstel, bemoediging en troos sal
gee.**

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Bert Floor, Isak vd Walt, Magdaleen Venter,
Koos en Marlene Jooste, Lana Labuschagne,
Annette Coetsee en Ina van Wyk.

April 2020

Ons verenig saam in gebed...



1 Petrus 5:7

"Werp al jul bekommernis op Hom, want Hy sorg vir julle".

Onse Vader in die hemel, ek werp al my bekommernis op U. U hou my in stand en sal my nooit laat val uit U hand nie.

Elke angstige gedagte plaas ek voor U want U sorg vir my. In plaas van angstigheid wil ek kom met 'n hart vol dankbaarheid om aan U dank te bewys. Ek vra u om alle moegheid en elke las te help verlig. Ek ontvang U rus. Dankie vir U genade - dit is vir my genoeg! Ek vertrou op U krag en sterkte want dit is genoeg vir my swakheid!

Ons dank U Here vir ons gemeente waaraan ons kan behoort! Ons dank U vir elke geestelike leier wat ons help met wat ookal nodig mag wees!

Dankie vir ds. Piet en Rieëtte wat baie moeite doen om vir ons gemeente te versterk uit U Woord. Ons bid vir hulle vir krag en wysheid om almal wat aanhoor ook te versterk. Mag die Heilige Gees kragtig in elkeen van ons werk!

Dankie aan ds. Pieter en Marthie wat ook medewerkers is in ons gemeente!

Dankie aan elke ouderling, diaken en kleingroepleier en ons bid vir hulle om staande te bly teen die bouse se aanslae en getrou te bly aan hul roeping waartoe U hul geroep het!

Ons bid vir elke broer, suster en kind! Ons bid vir spesiale gesinstye saam in 'n tyd waar U vir ons tyd gegee het. Laat ons dit reg gebruik!

Ons bid vir elkeen wat siek is en genoem word in ons afkondigings! Bid vir genesing, liggaamlik en/of geestelik. Bid dat ons die Here se voorsiening in elke klein detail sal raaksien en erken dat Hy vir ons sorg soos ons uit Sy Woord gelees het! Loof Hom daarvoor!

Bid vir elke bejaarde wat dalk angstig en moeg mag voel!

Bid vir ons broers en susters wat baie direk geraak is deur die virus pandemie!

Bid saam vir die uitdra van die evangelie in hierdie besonderse tyd!

Bid saam vir elke soort gesondheidswerker, polisie en weermagdele vir krag om aan te hou! Dankie Here dat U voorsien!

Ons deel graag gebedsverhorings - stuur dit asb na my (Elsie - 072 449 1982).

ONDERSTEUNING VIR SIEKES

Vir ondersteuning of besoeke kontak u ouderling, ds Piet (018 290 5635) of Adele (082 532 8658) om die nodige reëlings te tref.

PROGRAM VAN DIE WEEK

Sondag

09:30 Geen erediens by die kerkgebou – skakel elektronies in op Woordverklondiging op Facebook.

HUISGELOOF: Belangrike toerusting vir ouers op ons Facebookblad

Ouers kan gerus op ons Facebookblad gaan kyk na twee video's en 'n dokument wat Heleen Coetzee verskaf het, om ouers toe te rus oor hoe om met hulle kinders oor die hele situasie van die Corona-virus te praat. Baie dankie Heleen.

GK POTCH-OOS:

WhatsApp kommunikasie

In 'n poging om seker te maak dat ons die hele gemeente gedurende die grendelstaat tydperk kan bereik, het ons 'n WhatsApp Uitsaaigroep (Broadcast group) geskep op die nommer GK Potch-Oos 067 713 2332.

Stoor asseblief hierdie naam en nommer op jou selfoon.

'n Uitsaaigroep se voordeel is dat niemand se reaksie op die groep gesien kan word nie en dit dus nie 'n lastige heen-en-weer gesprek veroorsaak nie. Moet jouself asseblief nie van die groep afhaal nie. Lidmate kan wel 'n boodskap terugstuur wat slegs deur Adele in die kerkkantoor gesien kan word.

NUWE KOSTER VANAF 1 APRIL:

DAWIE VAN ZYL 082 774 7936

Na baie jare van diens het oom Johan en tannie Elsa Coetzee aan die einde van Maart 2020 die tuig as ons kosterspaar neergelê. Ons wil hulle uit die diepte van ons hart bedank vir die dienswerk wat hulle gelewer het. Kosterwerk is seker van die mees ondankbare werk in die gemeente en hulle twee het dit voluit saam gedoen.

Sodra die situasie in die gemeente weer genormaliseer het, sal ons by 'n gepaste geleentheid vir hulle mooi "dankie sê". Ons vertrou dat julle twee nou lekker saam sal "uittree"!

Ons verwelkom dan baie graag vir Dawie van Zyl as ons nuwe koster en bid hom saam met Alta ook baie



vreugde en krag toe vir die dienswerk. Sien sy selnommer hierbo en skakel dus asseblief van nou af vir Dawie vir enige kosterdiens wat benodig word. (Hierdie is nie 'n 1 April grappie nie!!)

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)

VERJAARSDAE

Baie geluk aan almal wat DV hierdie week verjaar!



Sondag, 12 April

Sr Nicolette Visser 082 925 2377

Maandag, 13 April

Sr Estelle Earle 079 506 0595

Br Ig Hefer 083 651 2055

Br FJ Visagie 083 354 3712

Dinsdag, 14 April

Sr Hanneltjie Coetzer 084 580 0201

Woensdag, 15 April

Sr Chanelle v As 083 501 7181

Donderdag, 16 April

Sr Annatjie Duvenage (78) 071 604 0456

Sr Yvonne vd Berg 082 779 0976

Vrydag, 17 April

Sr Riekie Schutte (85) 079 669 1588

Saterdag, 18 April

Sr Griet du Preez (89) 083 464 6553

Jbr Johan v Jaarsveld

ONTHOU DIE FOTO'S!

Moenie laat die corona-virus en die "lock-down" en die "social distance" en die huisarres en al



daardie goed wat ons nou so op hol jaag, julle laat vergeet van die foto's nie! Watter foto's? Foto's van die Oos-Dopper gemeente natuurlik.

Ons gemeente is eersdaags (19 April), 70 jaar oud. Op Saterdag 24 Oktober word daar op ons kerkterrein 'n lekker fees gehou om dié heuglike gebeurtenis te herdenk. Van 14:00 af 'n aksieprogram en ete wat deur die diakens en die susters aangebied word en van 17:00 af 'n beeld- en klankprogram in die kerkgebou. Daarvoor het ons foto's nodig.

Blaai in julle foto-albums en krap in julle foto-bokse en laat ons daardie foto's kry asseblief. Ons soek foto's van die volgende gemeente-aktiwiteite:

- Die kerkbou-projek
- Die Oosdopperfees
- Potjiekoskompetisie
- Uitreikaksies, bv na D'kar
- Gemeentebyeenkomste
- Biltongaande
- Gemeentekampe
- Enige iets anders wat jy dink gebruik kan word

Skryf agter op die foto watse geleentheid dit was en die datum. Ook jou naam en selnommer. Sit dit in 'n koevert en gee dit vir Adéle. Dit sal nie verlore gaan nie!

Sodra ons dit gedigitaliseer het, besorg ons dit terug aan jou.

Pieter Potgieter
082 451 0762

OOSDOPPERFEES

Beste lidmate, ons heg van vandag af 'n "Oosdopperfees Dankbaarheidsvorm" aan. Die link na die vorm is ook op ons [webblad](#) beskikbaar om in te vul. Hiermee herinner

ons u so lank om te kyk wat jy sal kan bydra en waar jy sal kan werk met ons fees! [Kliek hier](#) as jy dit elektronies wil invul. Vir jou gemak kan jy dit op jou selfoon ook voltooi!



MOOIRIVIER BILTONGFEES - 31 JULIE 2020

Die Mooirivier Biltongfees wat reeds 16 jaar deur GK Potchefstroom-Mooirivier gemeente in Potchefstroom gevestig is en baie gewild onder Potchefstromers is, gaan hierdie jaar by ons eie gemeente plaasvind.

Die wenresep word weer vanjaar herhaal, die venue skuif net na Die Skuur. Ons gaan beide sale gebruik en verwag om ±400 gaste te ontvang.

Daarom het ons almal in ons gemeente se ondersteuning en hande nodig met die volgende: kaartjieverkope, allerlei wildsvleise, beesbiltong, konfyte, brode, ens. Kom ons maak voortaan die Mooirivier Biltongfees 'n trotse Oosdopperfunksie!

Ons herinner u vroegtydig daaraan, aangesien julle reeds vir ons kan help met die beplanning daarvan.

- Eerstens hou die datum oop sodat jy ook deel hiervan kan wees.
- Tweedens vra ons julle bydraes vir konfyte - dit is vrugtetyd en almal wat konfyt kook kan 'n botteltjie of 2 ekstra kook en vir ons skenk asb.
- Derdens benodig ons ook wildsvleis vir die biltong! Sodra die jageisoen begin kan julle ook vir ons 'n bok (of 'n bees/vark) skenk vir die maak van biltong en droëwors.

Kontak gerus vir Christa Bloem (082 376 9412), Rieëtte (082 898 4197) of Adele (082 532 8658) indien julle ons hiermee kan help.

Nader aan die tyd sal ons meer inligting deurgee en ook skenkings van tuisgebakte brode vra.

*'n Spesiale dankie vir julle, ons
gemeentelede se ondersteuning en deel
wees van ons projekte!*

ALGEMENE INLIGTING:
WOW-HERWINNINGSPROJEK
(WEN ONS WÊRELD)

Maak gerus weer na die grendeltyd gebruik van ons herwinnings-hok.

LIEFDEGAWES VIR BARMHARTIGHEID
(DIAKONIE)

ZAPPER (Selfoon toepassing)

Hierdie QR-
simboolkode is
gekoppel aan die
Diakonie se
rekening en **slegs**
bydraes vir
Barmhartigheid
kan daarmee
gemaak word - geen
ander betalings aan
die Diakonie of kerkraad nie.



SOSIALE MEDIA VIR ONS GEMEENTE

WhatsApp: GK Potch-Oos nommer:
067 713 2332

Webblad: www.oosdoppers.co.za

Facebook: www.facebook.com/oosdoppers

Videos van elke erediens kan hier gesien word:

Facebookblad "Geref Kerk Potch-Oos Videos
van Preke by <http://ow.ly/ivfZ309vsdc>.

Ds. Piet stuur weekliks sy preke per e-pos uit.
Laat weet hulle indien jy dit wil ontvang.

BYDRAES VIR DIE DIENELKANDER

Lidmate is baie welkom om bydraes/berigte of nuus vir die Dienelkander deur te gee na die Kerkkantoor. Doen dit asseblief voor Vrydae 09:00. ("Dien-elk-ander": Nederlands vir "dien mekaar"!)

Die Dienelkander is elektronies beskikbaar en word Vrydae per e-pos uitgestuur. Kontak Adele by die kerkkantoor indien jy dit graag elektronies wil ontvang.

**KONTAKBESONDERHEDE: PREDIKANT,
HULPDIENS & KANTOOR**

Ds. Piet: 018 290 5635 / 082 779 1237

Hulpdiens: Ds. Pieter vd Walt 082 851 3637
: Erasmus Venter 072 154 9410

Kerkkantoor: Adele 082 532 8658 /

kerkkantoor@oosdoppers.co.za

Koster: Dawie v Zyl 082 774 7936

BANKBESONDERHEDE

Geref. Kerk Potchefstroom-Oos

ABSA Bank

Tjekrek: 670 340 066

Takkode: 632-005

Diakonie

ABSA Bank

Tjekrek: 670 280 160

Takkode: 632 005

Susters

Capitec Bank

Spaarrek: 145 652 5695

Takkode: 470 010



SUSTERS IN DIE GELOOF

Intimiteit met God

*Laat my gebed soos reukwerk voor U aangesig staan,
die opheffing van my hande soos die aandoffer.*

Psalm 141:2

Teeskinkgeleenthede

Geen tee vandag!

Blikkies-warmharte



*Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. **Baie dankie vir julle getroue bydraes!***

Sustersbydrae



Die susters se fondse word uit elke suster se vrywillige bydrae (R150 per jaar) verkry, asook die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Belangrike datums om te onthou!

Sondag, 19 April = Stigtingsdatum: Ons gemeente is 50 jaar oud!

Vrydag, 8 Mei = Pa-en-dogteraand

Saterdag, 30 Mei = Oosdopperfees

Vrydag, 31 Julie = Biltongaand



2020 OOSDOPPERFEES DANKBAARHEIDSVORM (INHANDIG @ 24 MEI)

NAAM EN VAN: _____

GROEP: _____

BESTANDELE BENODIG (TOTALE HOEVEELHEID BENODIG)	DUI JOU SKENKINGS AAN: g/kg/L dos/pak bottel	TUISGEMAAKTE ITEMS BENODIG & TWEDEHANDS	JOU SKENKINGS	HULP BENODIG (MERK WAAR JY KAN HELP)	✓
Botter/margarine (3kg)		Koue poedings		KOMBUIS:	
Konfynt		Warm gebakte poedings		Ontbyt	
Vars piesangs (4kg)		Tuisgemaakte vla		Kerrie & Rys	
Vars tamaties (3kg)		Aangemaakte Jellie		Sosaties	
Spek (9kg)		Enkellaag koeke		Worsbroodjies	
Eiers (21 dos)		Terte			
Blatjang (4 bottels)		Tuisgemaakte konfynt		SAAL:	
Klapper (1kg)		Ingelegde items (groente/slaai)		Koffie & Tee	
Rys (2 kg)		Brode: Vars plaasbrood		Koeldrank	
Ricoffie (750g x 4)		Gemmerbrood		Poeding	
Gemaalde koffie (4kg)		Piesangbrood			
Espresso gemaalde koffie (4kg)		Dadelbrood		BUIITE:	
Tee: Gewoon 2 pakke		Beskuit		Braai vleis	
Tee: Rooisbos 1 pak		Kleinkoekies		Mini Doughnuts	
Langlewe melk (24 L)		Koeksisters		Aartappelkrulle	
Vars melk (10 L)		Skons/muffins/cupcakes		Pannekoek	
Kondensmelk		Gemmerbier		Jaffels	
Suiker (20 kg)		Kondensmelkspuite		Jeugtafel	
Kaneel (800g)		"Lucky packets" (40)			
Kookolie (12 L)		Tuisgemaakte lekkers		GRILGROT:	
Palmolie (50 L)				Vooraf opmaak	
Vermicelli (2 pakkies)		2DE HANDSE ITEMS			
Sjokolade: Wit (15 slabs)		Wol/Lakens		HANDELSHUIS:	
Sjokolade: Bruin (15 slabs)		Grillerige goeters		Prys & uitpak van artikels	
Medium aartappels (42 kg)		Speelgoed/Puzzels/ bordspeletjies		Verkoop van artikels	
Gekoopte vla (24 L)		2dehandse klere (Kinders/mans/dames)			
Ingelegde vrugte (500g x 10)		Wit-olifant items		BOEKE OASE:	
Roomys (10 L)		Boeke/CD's/DVD's		Prys & uitpak van boeke	
Houtskool (50 kg)				Verkoop van boeke	
Swartsakke (5 rolle van 20)					
				TWEDEHANDSE KLERE	
				Verkope tydens vleiswerk: Wo-Vry	
				09:00 - 13:00	
				13:00 - 16:00	
Kontant bydrae:	R	Handtekening v ontvanger / eft: verwysing "Oosdopperfees"			
Leen gasbottels:	(aantal)				

Baie dankie vir almal se bydraes en bereidwilligheid om van ons Oosdopperfees 'n sukses te maak!



Oosdoppertjies


Sagaria 2:8 B "Wie aan julle vat, vat aan my oogappel."

Liewe Oosdoppertjies..... hier is 'n lekker Paasfees-blokkiesraaisel vir julle om in te vul!

PAASFEEES

DIE PAASMAALTYD WORD VOORBEREI

Lees Matteus 26:17-30 om hierdie blokkiesraaisel te voltooi.



DWARS

2. "NEEM, ___; DIT IS MY LIGGAAM" (VERS 26).
4. WIE HET DIE PAASMAALTYD VOORBEREI
6. HOEVEEL DISSIPELS HET SAAM JESUS GEËET?
11. WAT IS DIE BERG SE NAAM WAARHEEN HULLE GEGAAN HET?
12. TEKEN VAN JESUS LIGGAAM.
13. TEKEN VAN JESUS SE BLOED.

AF

1. WIE HET DIE NAGMAAL INGESTEL?
3. WIE SOU JESUS VERRAAI?
5. HULLE HET DIT GESING EN DAARNA NA DIE BERG GEGAAN.
7. DEUR JESUS SE BLOED WORD ONS _____ VERGEWE (VERS 28).
8. JESUS SÊ SY _____ IS NABY (VERS 18).
9. "EN TERWYL HULLE EET, HET JESUS BROOD GENEEM EN DIE _____ GEVRA" (VERS 26).
10. DIE DISSIPELS VRA IN VERS 22: "DIT IS TOG NIE EK NIE, _____?"